

# فيديو #٤٣٣ من مقاطع حذر التجول تدبر سورة الروم # ٨ الآية

٧٤-٢٤

فاضل سليمان

السلام عليكم ورحمة الله وبركاته. اهلا بحضراتكم في المقطع رقم تلتمة اربعة وتلاتين من مقاطع حذر التجول ملحقة رقم تمانية من حلقات تدبر سورة الروم. من فضلكم هاتوا المصاحف وافتح معي المصحف على الآية واحد واربعين - [00:00:00](#)

اربعين واحد واربعين بعد ما ربنا سبحانه وتعالى قال اعوذ بالله السميع العليم من الشيطان الرجيم. اقرا معي اربعين واحد واربعين الله الذي خلقكم ثم رزقكم ثم يميتكم ثم يحييكم - [00:00:26](#)

هل من شركائكم من يفعل من ذلكم من شيء سبحانه وتعالى عما يشركون ظهر الفساد في البر والبحر بما كسبت ايدي الناس. ليذيقهم بعض الذي عملوا لعلهم يرجعون بعدها على طول قال - [00:00:45](#)

اقرا بقى معي اثنين واربعين عشان تشوف العلاقة بينها وبين الايات اللي قبلها. احنا هنبدأ من هنا التدبر بتاع الليلة اتنين واربعين قل سيروا في الارض فانظروا كيف كان عاقبة الذين من قبل - [00:01:06](#)

كان اكثرهم مشركين ازا لما ربنا امتن علينا بالاحسان يعني ذكرنا بمنته علينا وباحسانه علينا في الآية اربعين قال الله الذي خلقكم ثم رزقكم فذكر نعمة اليجاد. قلنا اول نعمة هي نعمة اليجاد انه خلقنا - [00:01:22](#)

دي نعمة. واللي يقول لك مش نعمة قل له الكافر الملحد اللي مش مؤمن بجنة ولا نار ولا بعث بعد الحساب. ببص يمين وشمال ليه قبل ما يعدي الشارع هو خايف ينعدم. لان العدم - [00:01:50](#)

صعب العدم مخيف اذا اليجاد الوجود نعمة من الله. قربنا ذكر نعمة اليجاد ثم بعدها ثم رزقكم. ذكر نعمة الامداد. فالنعم نعمة اليجاد ثم نعم امداد. بيمد بقى الواحد بالرزق - [00:02:08](#)

وبالصحة وبالمال. كل ده ده اسمها نعم الامداد. خلاص؟ ده طبعا طبيعي ان ربنا بيدأ بنعمة اليجاد ثم نعمة الامداد. ده شيء طبيعي. طيب لكن لما الانسان طغى وربنا قلل رزقه. هم. ذكر انه قلل رزقه اولاً. اقرا معي واحد واربعين - [00:02:28](#)

ظهر الفساد في البر والبحر بما كسبت ايدي الناس يعني بطغيان الناس فكان العقاب ايه؟ تقليل الرزق ظهر الفساد في البر والبحر يبقى ربنا بيقول لنا ان هو - [00:02:48](#)

في الآية اربعين انعم علينا بنعمة اليجاد اولاً. ثم نعمة الامداد عند العقوبة بدأ بايه بانه بيسحب نعمة الامداد واحنا موجودين وحصل تقليل للرزق. ماشي فاضل ايه بقى؟ فاضل الاعدام - [00:03:08](#)

سحب نعمة اليجاد كمان يقلب الوجود الى عدم عشان كده اسمه اعدام. عكس ايجاد بقى اللي معي الآية تلاتة واربعين. هم قل سيروا في اثنين واربعين. قل سيروا في الارض فانظروا كيف كان عاقبة من قبل - [00:03:29](#)

كان اكثرهم مشركين. امشوا في الارض وسافروا وشوفوا كيف اعدم واستأصلت الاقوام المفسدة قوم نوح وقوم هود وقوم صالح وقوم لوط وقوم شعيب يبقى ربنا بيكلم كفار قريش او كفار العرب وبيقول لهم - [00:03:51](#)

انتم يا كفار قريش ويا مشركوا العرب يا فقراء لانهم لا يقارنوا بالشعوب الغنية اللي حولهم فقراء يعانون من قلة الرزق بيقول لهم سيروا في الارض وشوفوا اللي فاضل عشان يحصل لكم - [00:04:11](#)

خلاص تقليل رزق وانتم وانتم في قلب ده دلوقتي حالتكم وفقركم مقارنة بالروم والفرس واليمنيين والعمانيين وكل الحضارات اللي

حواليكم فانتم اصلا تقنين رزقكم وده حصل فاضل لكم ايه مش فاضل غير انكم تستأصلوا - [00:04:29](#)

زي ما حصل الاقوام اللي قبلكم كان اكثرهم مشركين ازيكم بالزبط. فالاية اتنين واربعين دي فيها انزار شديد جدا لمشركي العرب. اذا ربطتها بالاييتين اللي قبلها شفتكم بقى ازاى ؟ بيقى يعني - [00:04:44](#)

شف الاية اتنين واربعين. قل سيروا في الارض فانظروا كيف كان عاقبة الذين من قبل. اعدموا وانتم يا مشريكي العرب نعمة الايجاد هي اللي فاضلة لكم دلوقتي انكم موجودين ونعمة الامداد عمالة تتسحب منكم - [00:05:03](#)

فيها وعيد شديد ثم يأتي بعد كده مقطع اخر بقى يرشد للطريق الصحيح اللي بيسلكه لا يندم معي ثلاثة واربعين واربعه واربعين وخمسة واربعين فاقم وجهك للدين القيم من قبل ان يأتي يوم لا مرد له من الله. يومئذ يصدعون - [00:05:17](#)

من كفر فعليه كفره. ومن عمل صالحا فلأنفسهم يمهدون. ليجزي الذين امنوا وعملوا الصالحات من فضل انه لا يحب الكافرين. شف بقى فاقم وجهك للدين وردت قبل كده في الاية ثلاثين - [00:05:42](#)

فاقم وجهك للدين جت في الاية ثلاثين. بعد ان بين القرآن سبب الضلال بتاع المشركين. وهو انهم اتبعوا اهواءهم بدل ما يتبعوا الدليل والمنطق راحوا مشوا ورا مزاجهم. اقرا معي تسعة وعشرين وتلاتين. وشف - [00:06:02](#)

فاقم وجهك للدين جت في اي سياق. عشان هنقارن بينهم دلوقتي. تسعة وعشرين وتلاتين من اتبع الذين ظلموا اهواءهم بغير علم. فمن يهدي من اضل الله. وما لهم من ناصرين - [00:06:24](#)

من يهدي من اضل الله وما له من نصيب. يبقى دي غلطتهم انهم اتبعوا اهواءهم. فانت بقى تعمل ايه ؟ كمل ثلاثة واربعين. اسف آ كمل ثلاثين فاقم وجهك للدين القيم - [00:06:41](#)

فاقم وجهك للدين حنيفا في الاية ثلاثين يبقى جت بعد ان بين الله سبحانه وتعالى عاقبة الذين اشركوا واحدة منهم جت بعد ما ربنا بين منهجهم الغلط اللي هو من اتبع الذين ظلموا اهواءهم واقم وجهك للدين الثانية بتاعة الاية ثلاثة واربعين جت بعد ما ربنا - [00:06:56](#)

تبين عاقبة الذين اشركوا مرة وردت بعد خطأ منهجهم ومرة وردت بعد بيان مصيرهم مرة للتحذير من منهجهم ومرة للتحذير من مصيرهم. يبقى تكرار جملة فاقم وجهك للتين. في الاية ثلاثين وفي الاية ثلاثة واربعين - [00:07:16](#)

مش صدفة مش صدفة. التكرار ده مقصود للفت النظر لان المنهج ده اللي ربنا حزر منه بيقود للمصير ده اللي ربنا بيحزر منها خلاص ؟ خيلنا بقى نمسك الاية ثلاثة واربعين - [00:07:34](#)

ونشوفها فاقم وجهك للدين القيم يعني المستقيم من قبل ان يأتي يوم لا مرد له من الله يومئذ يصدعون يوم لا مرد له من الله لها معنيين اول معنى انه يوم جاي جاي ما بيتردش - [00:07:50](#)

هيجي من مين ؟ من الله يعني يوم لا مرد له من الله المعنى الثاني ان ده يوم ربنا لا يرد ابدأ ان كان يعني ربنا وان كان يستطيع انه يرده لكنه ربنا قدر انه لا يرد هذا اليوم يوم اساسي يوم القيامة - [00:08:15](#)

يبقى هيحصل ايه في اليوم ده ؟ اللي زي بعضه ده اصلا يومئذ يتصدعون. التصدع هو التفرق يوم القيامة سيتفرقون الى ايه ؟ اقرا معايا الاية اربعة واربعين يومئذ يصدعون من كفر فعليه كفره. ومن عمل صالحا فلأنفسهم يمهدون. هو ده التصدع اللي هيحصل. اللي كفر عليه كفره - [00:08:37](#)

واللي عمل صالح ولانفسهم يمهدون يبقى اللي شال قرينة مخرومة هتخر على دماغه من كفر فعليه كفر. ما حدش هيدخل النار عشان جاره كافر الكافر هيشيل كفره في سورة المدثر ربنا بيقول كل نفس بما كسبت رهينة - [00:09:02](#)

طب والفريق الثاني اقرا اخر اربعة واربعين. ومن عمل صالحا فلأنفسهم يمهدون العمل الصالح متعب بس هو عبارة عن تمهيد الانسان بيمهد في مكانه في الآخرة ومن عمل صالحا فلأنفسهم يمهدون. زي زي اللي بنى قصر - [00:09:21](#)

مش متشطب او اشترى قصر مش متشطب. فيقعده يشتغل فيه بيشطبه العمل الصالح في الدنيا هو الشغل في تشطيب القصر بتاعك اللي تقعد فيه في الآخرة. بتركب بقى رخام ستاير بالريموت كنترول - [00:09:45](#)

بتعمل فلما يدخل الجنة يلاقي العمل بتاعه هو اللي مهد له القصر. ومن عمل صالحا فلانفسهم يمهدون. يمهدون دول مشتقة من المهد. المهد هو فراش الطفل الرضيع. ليه؟ لان الطفل الرضيع - [00:10:01](#)

ما يعرفش يمسح فراشه ويجهزه عشان ينام فيه فالام بتمهد الفراش للطفل الرضيع. عشان كده الفراش الرضيع اسمه مهد ما اسموش فراش اسمه مهد عشان تم تهيد له. فبيبقى مريح جدا. بالتالي الجنة بتعتبر مهد للذين عملوا - [00:10:19](#)

العمل الصالح من شدة الراحة اللي فيها بس الجنة كل انسان بيمهدا لنفسه. مش امه اللي بتمهدا له. هو اللي بيمهدا لنفسه. لاحز معي الالتفات في الاية اربعة واربعين. من المفرد - [00:10:40](#)

من كفر فعليه كفر. ومن عمل صالحا ولنفسه لا فلأنفسهم يمهدون من عمل صالحا مفرد. وحصل التفات في العدد من المفرد للجمع. فلانفسهم يمهدون. لو كانت من عمل صالحا فلنفسه - [00:10:55](#)

فهد يعني دي هي القاعدة ان اللي بيعمل صالح بيمهد شئ لنفسه. لكن ممكن القاعدة يكون لها استثناءات انا ايه اللي يضمن لي ان كل من يعمل صالحا هيبقى بيمهد لنفسه. ما يمكن ربنا يستسني الناس - [00:11:13](#)

القرآن عمل التفات من المفرد للجمع ليؤكد ان كل اللي بيعمله صالحا بيمهدوا لنفسهم الكل من كفر فعليه كفره ومن عمل صالحا فلانفسهم. كلهم يمهدون. الخطاب هنا للمؤمنين عشان يحثهم على - [00:11:31](#)

العمل الصالح ويشجعهم عليه عايزين بقى نعمل حاجة نركز فيها شوية يا جماعة مع بعض هنقارن بين الايات اربعتاشر وخمستاشر وستاشر عايزك لو تعرف كده تبقى بصابعين كده عامل صباع في الصفحة اللي فيها اربعتاشر خمستاشر ستاشر وصباع في الصفحة اللي فيها ثلاثة واربعين واربعة واربعين وخمسة واربعين - [00:11:49](#)

هنقارنهم مع بعض. اقرا معي اربعتاشر وخمستاشر وستاشر ويوم تقوم الساعة يومئذ يتفرقون فاما الذين امنوا وعملوا الصالحات فهم في روضة يحضرون. واما الذين كفروا وكذبوا باياتنا ولقاء الاخرة فاولئك - [00:12:13](#)

في العذاب محضرون. ده اربعتاشر خمستاشر ستاشر اقرا معي من ثلاثة واربعين لخمسة واربعين فاقم وجهك للدين القيم من قبل ان يأتي يوم لا مرد له من الله يومئذ يصدعون. من كفر فعليه كفره. ومن عمل صالحا فلانفسهم يمهدون. ليجزي الذين امنوا وعملوا الصالحات من فضله - [00:12:35](#)

انه لا يحب الكافرين شايف الاية اربعتاشر ويوم تقوم الساعة قصاها في ثلاثة واربعين ايه يوم لا مرد له من الله اللي هو يوم يوم تقوم الساعة. اللي هو يوم القيامة - [00:13:00](#)

بص في الاية اربعتاشر ثاني. يومئذ يتفرقون. بص في ثلاثة واربعين يومئذ يصدعون. يعني يتفرقون برضو لكن في مجموعة الايات الاولانية ربنا قدم الكلام عن المؤمنين قبل الكافرين بينما في مجموعة الايات الاخرانية اللي في الاربعينات - [00:13:15](#)

ربنا قدم الكلام عن الكافرين عن المؤمنين. بص معي خمستاشر وستاشر خمستاشر وستاشر. فاما الذين امنوا وعملوا الصالحات فهم في روضة يحضرون. واما الذين كفروا وكذبوا باياتنا ولقاء الاخرة فاولئك في العذاب محضرون - [00:13:38](#)

تكلم عن المؤمنين اولا ثم عن الكافرين. بينما لما نقرا اربعة واربعين وخمسة واربعين من كفر فعليه كفره. اتكلم عن الكفر الاول. ومن عمل صالحا لانفسهم يمهدون ليجزي الذين امنوا وعملوا الصالحات من فضله انه لا يحب الكافرين. طب ليه؟ قدم الكلام عن الكافرين اولا هنا - [00:13:54](#)

بصراحة مش عارف لكن لكن قد يكون السبب سبب بلاغي بس. يعني فيه شئ في البلاغة اسمه تنويع الخطاب. عشان يكسر السأمة والملك لما ربنا بيؤكد على نفس المعنى راح منوع الخطاب نوع الخطاب عشان ما يبقاش زيه بالزبط يبقى فيه نوع من السقامة او الملل. فمش - [00:14:15](#)

بالضرورة يكون فيه حكمة غير الحكمة البلاغية والله اعلم. انتم بتدبروها. لكن انا قرأت حتى في كتب تدبر كثيرة ما لقتش حد قال فيها اي شئ. خالص. يعني الكل لفت نظره لكن فيه ناس قالت لكن كلام لا يروي ايه الضمان يعني. والله اعلم - [00:14:39](#)

انا توقفت فيها مدة ولم اجد سبب اخر لكن قد يكون السبب بلاغي بحت. طيب اقرا معي خمسة واربعين ليجزي الذين امنوا وعملوا

الصالحات من فضله انه لا يحب الكافرين. ربنا هيجزي الذين امنوا وعملوا الصالحات - 00:14:58

هات من فضلك. ايه؟ انه لا يحب الكافرين تقتضي انه يحب المؤمنين فلما يقول انه لا يحب الكافرين. طب ليه رزق ليه ما قالش انه يحب المؤمنين؟ ليجزي الذين امنوا وعملوا الصالحات من فضله انه يحب المؤمنين. طب مش - 00:15:16

بتبقى اوضح ما هو واضح لما يقول انه لا يحب الكافرين انها تقتضي انه بيحب المهين فعمل فيهم كده. لكن لما ذكر الكافرين ذكر عقوبة اخرى وهي حرمانهم من الجنة - 00:15:32

فبالطريقة دي ربنا ذكر ضمنا انه بيحب المؤمنين وذكر عقوبة اخرى للكافرين وهي الحرمان من الجنة. وليس فقط دخول النار شوفوا الايات دي لوحات جميلة والترهات. الانسان يتأملها فعلا خسارة كل لحزة قرينا فيها الايات دي بسرعة بدون تأمل - 00:15:44

بص اللوحتين الرائعتين دول بقى معي ستة واربعين وسبعة واربعين. بص الايتين دول. ستة واربعين وسبعة واربعين. لوحتين بجد ومن اياته ان يرسل الرياح مبشرات وليذيقكم من رحمته. ولتجري الفلك - 00:16:07

بامرهم ولتبتغوا من فضله ولعلكم تشكرون ولقد ارسلنا من قبلك رسلا الى قومهم فجاءوهم بالبينات فانتقمنا من الذين اجرموا وكان حقا علينا نصر المؤمنين كل ما القرآن يتكلم عن الرسل الدنيا تمطر - 00:16:26

يا قبل الكلام عن الرسل يا بعد الكلام عن الرسل هتلاقي فيه مطرة نازلة بص معي ستة واربعين. ومن اياته ان يرسل الرياح مبشرات. مبشرات بايه الرياح بتبقى مبشرة لما تكون بتحمل السحاب - 00:16:48

ما انت لو فيه رياح جامدة لكن ما فيش سحاب ما فيش ما فيش بشري. البشري لما تكون الرياح شائلة سحاب والسحاب لونه غامق واسود يعني يعني محمل بالمطر هنا بتبقى مبشرات. المبشرات ان فيه مطر نازل هو مطر مفيد. للزرع وللشرب وكل حاجة -

00:17:07

اسمع وليذيقكم من رحمته. المطر ده رحمة من الله. بدون المطر بيحصل جفاف. والناس بتموت والحيوانات بتموت الزروع بتموت وفي الماء بيحصل كمان ايه؟ كمل الاية. ولتجري الفلك بامرهم. والسفن بتسير في الماء ولتبتغوا من فضله - 00:17:25

فالسفن لما بتسير في الماء الناس بتستفيد لان عندها مصالح وتجارة بتنمو. كمل الاية ولعلكم تشكرون. اللي يدرك نعمة ربنا دي المفروض يشكر مش يكفر. الاية اللي بعدها بتتكلم عن ايه بقى؟ نفس الموضوع بالزبط. مساحة مش واخدين بالهم - 00:17:47

ولقد ارسلنا من قبلك رسلا الى قومهم فجاءوهم بالبينات. فانتقمنا من الذين اجرموا وكان حقا علينا نصر المؤمنين. وقلنا قبل كده الرسل مثلهم مثل السحب المحملة بالمهنة. والملائكة مثلهم مثل الرياح التي تدفع السحب. والوحي الذي ينزل من السماء -

00:18:04

كمثل الماء اللي نازل عشان يحيي الارض. حط اللوحتين دول جنب بعض وبص معي بين الايتين. قل لي بقى بص ومن اياته ان يرسل الرياح بالملائكة مبشرات لانها بتدفع السحب اللي هي تمثل الرسل. وليذيقكم من رحمته. رحمة ربنا هنا اللي هو ماء المطر -

00:18:27

يمثل الوحي. الماء ده بيحصل فيه ايه؟ لتجري الفلك بامرهم. الفلك اول ما تسمع الفلك دي ايه فعلى طول في مخك اسم مين من الانبياء؟ سيدنا نوح اللي بنى الفلك. سفينة نوح تمثل الايمان اللي ركبوا في سفينة الايمان هم اللي ربنا نجاهم بينما - 00:18:49

غرق الكافرون ولتبتغوا من فضله. ولعلكم تشكرون شف بقى ربنا انقل بقى معي في الاية سبعة واربعين ولقد ارسلنا من قبلك رسلا الى قومهم فجاءوهم بالبينات اللي هي رحمة ربنا اللي نازلة زي - 00:19:08

انتقمنا من الذين اجرموا وكان حقا علينا نصر المؤمنين اربطها بالفلك والناس اللي غرقت والناس اللي ايه ربنا ينجها في السفينة بالزبط مثل اغراق قوم نوح وانقاذ المؤمنين في الفلك لذلك سفينة نوح تمثل زي ما قلنا سفينة الايمان - 00:19:24

اللي بيركب في سفينة الايمان بينجو اللي بيقفز منها هو اللي بيغرق طيب هل انا بألف الكلام ده ولا فيه دليل على هذا المثال الحديث متفق عليه متفق عليه يعني البخاري ومسلم اخرجوه. قال رسول الله صلى الله عليه وسلم ان مثل ما بعثني - 00:19:42

الله به من الهدى والعلم الوحيد اللي ربنا اداه له كمثل غيث يعني مطر اصاب ارضا فكانت طائفة طيبة. جزء من الارض كان ارض

طيبة ارض خصبة. قبلت الماء فانبتت الكأ والعشب الكثير. وكان منها اجاذب - 00:20:00

امسكت الماء طبلت عندنا فاتحين نقول طبلت يعني آآ صخرية فطلع الماية ها فنفع الله بها الناس فشربوا منها وسقوا وزرعوا واصاب طائفة منها اخرى انما هي قيعان مستنقعات. لا تمسك الماء ولا تنبت الكأ. فذلك مثل من فقه في دين - 00:20:22

الله ونفعه بما بعثني الله به فعلم وعلم. ومثل من لم يرفع بذلك رأسا ولم يقبل هدى الله الذي ارسلت به الكلام ده بيرد على الناس اللي بيسموا نفسهم قرآنيين وما هماش قرآنيين - 00:20:43

اللي بيقولوا نؤمن بالقرآن بس وليس لولا الحديث ده في السنة ما كانش قدرنا نفهم الامثلة بتاعة الماء والمطر اللي دايمما تيجي مع ذكر الانبياء لذك اننا ضد مسلا كلمة هم ليسوا قرآنيين اللي بينكر السنة بنسميه يا اما منكر السنة يا اما انا بحب اسم اخر الاريكيين -

00:21:00

يعني ايه اريكة؟ الاريكة يعني الكنبه الرسول عليه الصلاة والسلام قال اللي هيجي زمان يكاد الرجل يجلس متكئا على اريكته يقول ما وجدنا في هذا الكتاب اخذناه اللي هو القرآن. وما لم نجد فيه لا نأخذه. يعني سينكر السنة ويأخذ بالقرآن. فهو قاعد متكئ -

00:21:24

على الاريكة يعني قاعد مسطح كده ومريح نفسه وواكل وشارب ومش لكنه مش فاهم دينه خلاص اقول قولي هذا واستغفر الله لي ولكم. نتوقف هنا الليلة. اللهم انا نسألك حبك وحب من يحبك وحب كل عمل يقربنا الى حبك - 00:21:44

اللهم ما رزقتنا ما نحب فاجعله قوة لنا فيما تحب. وما زويت عنا مما نحب فاجعله فراغا لنا فيما تحب اللهم اجعل حبك احب الينا من اهلينا واموالنا ومن الماء البارد على الضمأ - 00:22:06

اللهم حبيننا اليك والى ملائكتك وانبيائك ورسلك وعبادك الصالحين. واجعلنا ممن يحبك ويحب ملائكتك وانبيائك ورسلك وعبادك الصالحين اللهم احي قلوبنا بحبك. واجعلنا لك كما تحب. اللهم اجعلنا نحبك بكل قلوبنا. ونرضيك بكل اجسادنا. اللهم - 00:22:25

واجعل حبنا كله لك وسعيننا كله في مرضاتك. اللهم اجعل القرآن الكريم ربيع قلوبنا ونور صدورنا وجلاء احزاننا وذهاب همومنا وغموما ومغفرة ذنوبنا. اسأل الله العلي العظيم ان يجعل هذا التدبر في ميزان حسناته وحسناتكم جميعا. اللهم بحق كل حرف -

00:22:48

اختتم في كتابك تلوناه او تدبرناه. اكفنا واهلينا شر كل من يكيد لنا ولهم. واحفظنا اللهم من شرورهم ونجعلك اللهم في نحورهم فانت الوكيل ولا حول ولا قوة الا بك. اللهم من قضى منا بالبوء المنتشر فاكبتها له شهادة. ومن كان منا او من احبابنا مريضا - 00:23:08

به او حاملا له فالبسه ثوب الصحة والعافية. عاجلا غير اجل. ومن لم يصب به فقه شره. وابعده عنه. ولا تسلطه الا على اعدائك واعداء دينك واعداء اوليائك. اللهم انك تعلم ان هذه القلوب قد اجتمعت على كتابك وعلى محبتك - 00:23:28

يا ربنا على طاعتك وتوحدت على دعوتك وتعاهدت على نصرة شريعتك. فوثق اللهم رابطتها. وادم مدھا اهدھا سبلھا واملأھا بنورك الذي لا يخبو. واشرح صدورھا بفيض الايمان بك وجميل التوكل عليك. واحيھا يا ربنا بمعرفتك - 00:23:48

وامتها على الشهادة في سبيلك. انك نعم المولى ونعم النصير. والسلام عليكم ورحمة الله وبركاته. ونراكم غدا باذن ان كنا من اهل الدنيا في نفع هذا الموعد - 00:24:08